

Na osnovu Statuta „Veterinarske stanice Novi Grad” d.o.o.Sarajevo broj: OPU-IP 185/16 od 13.05.2016.godine, čl.3.stav 1., čl. 6. i čl.7. Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo" broj: 19/21., broj 10/22.), Pravilnika o radu “Veterinarska stanica Novi Grad” d.o.o. Sarajevo br.924/16 od 26.12.2016.godine, br.86/20 od 25.02.2020.godine, br.305./21 od 18.05.2021.godine i br. 54-2/23 od 15.03.2023.godine te člana 1. Odluke o raspisivanju Javnog oglasa za prijem radnika u „Veterinarskoj stanici Novi Grad” d.o.o.Sarajevo br. 502/23 od 07.09.2023. godine Direktor raspisuje

JAVNI OGLAS
za prijem radnika u „Veterinarsku stanicu Novi Grad” d.o.o.Sarajevo

Raspisuje se Javni oglas za prijem radnika u radni odnos u “Veterinarskoj stanici Novi Grad " d.o.o. Sarajevo, ul.Tjepovački put br.2.Sarajevo, za radno mjesto, kako slijedi:

Pozicija br. 1. Hvatač životinja..... 1 izvršilac na neodređeno vrijeme.
Puno radno vrijeme 8 h dnevno odnosno 40 h sedmično.
Mjesto rada Sarajevo.
Prosječna osnovna plata: 1.050,00 KM

Pozicija br. 1. Hvatač životinja

Opis poslova:

- Vrši hvatanje životinja nakon prijema saopćenja o pronađenoj životinji,
- odvozi životinje u objekte za prihvat,
- Vrši hvatanje i prijevoz napuštenih životinja koje se uklanjaju s javnih površina, uz primjenu odgovarajuće opreme,
- postupa po rješenjima Veterinarske inspekcije,
- vrši i druge poslove iz djelokruga rada Higijenskog servisa po nalogu Rukovodioca tima za hvatanje životinja i direktora Društva.

Odgovornost: Za svoj rad odgovoran je Rukovodiocu Higijenskog servisa i Direktor.

Kandidati moraju ispunjavati opće uslove propisane zakonom i posebne uslove utvrđene Pravilnikom o radu „Veterinarska stanica Novi Grad” d.o.o.Sarajevo kako slijedi:

Opći uslovi za poziciju 1.:

1. Da je državljanin Bosne i Hercegovine,
2. Da je punoljetan,
3. Da ima opću zdravstvenu sposobnost za obavljanje poslova radnog mjesta,
4. Da ima vrstu i stepen školske spreme potrebnu za obavljanje poslova radnog mjesta prema unutrašnjoj organizaciji i sistematizaciji poslova sistematizovanih radnih mjesta,
5. Da se protiv lica kandidata ne vodi krivični postupak.

Posebni uslovi za poziciju 1.:

- SSS/IV, Društvenog,veterinarskog,tehničkog smjera
- radno iskustvo na poslovima SSS u trajanju od minimalno 6 mjeseci.

Uz svojeručno potpisanu prijavu na Javni oglas kandidati trebaju podnijeti kraću biografiju i sljedeću dokumentaciju /original ili ovjerenu kopiju/:

- Cipsova prijava mjesta boravka,
- Izvod iz matične knjige rođenih,
- Uvjerenje o državljanstvu, ne stariju od šest mjeseci
- Lična karta,
- Diplomu o vrsti i stepenu školske spreme koja je određena u posebnim uslovima za poziciju,

- Dokaz o radnom iskustvu u dužini trajanja koja je određena u posebnim uslovima (potvrda ili uvjerenje izdato od predhodnog poslodavca koja sadrži sljedeće: ime i prezime, opis posla, stepen stručne spreme potrebne za navedeno radno mjesto i vremenski period obavljanja istog ili Uvjerenje nadležnog Zavoda za penziono invalidsko osiguranje ili Porezne uprave sa Potvrdom o tumačenju šifre zanimanja),
- Pored navedenih dokumenata kao dokaz o pripadnosti boračkoj populaciji, kandidati trebaju uz prijavu dostaviti dokumentaciju (u originalu ili ovjerenom kopiji) kojom dokazuju status, u skladu sa članom 23. Zakona o dopunskim pravima boraca – branitelja („Službene novine KS“, broj: 45/12, 26/14 i 46/17), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevu i općinama u Kantonu Sarajevo („Službene novine KS“, broj: 37/20) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevu i općinama u Kantonu Sarajevo („Službene novine KS“, broj: 38/20), kako slijedi:

R. br.	Pripadnost boračkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	Uvjerenje o statusu djeteta šehida- poginulog, umrlog i nestalog branioca, rješenje o priznatom pravu na porodičnu invalidninu za suprugu šehida poginulog umrlog, nestalog branioca i Uvjerenje o učešću u Oružanim snagama za šehida- poginulog, umrlog i nestalog branioca	Općinska služba za boračko – invalidsku zaštitu Grupa za pitanja evidencije iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko – invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko – invalidsku zaštitu
4.	Demobilisani borci	Uvjerenje o učešću u Oružanim snagama	Grupa za pitanja evidencije iz oblasti vojne obaveze prema mjestu prebivališta
5.	Dijete: a)ratnog vojnog invalida b)dobitnika ratnog priznanja i odlikovanja c)demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na : a) invalidninu b) mjesečni novčani dodatak c) uvjerenje o učešću u Oružanim snagama	a) Općinska služba za boračko – invalidsku zaštitu b) Općinska služba za boračko – invalidsku zaštitu c) Grupa za pitanja evidencije iz oblasti vojne obaveze prema mjestu prebivališta

Da bi kandidat ostvario prioritet pri zapošljavanju obavezan je uz dokumentaciju iz gore navedene tabele u originalu ili ovjerenom kopiji dostaviti dokaz (Uvjerenje) da se u momentu prijave na javni oglas nalazi na evidenciji JU „Služba za zapošljavanje Kantona Sarajevo“ evidentiran kao nezaposlena osoba ili dokaz da je zaposlen sa nižom stručnom spremom od one koju posjeduje ili dokaz da je kandidat u momentu prijave zaposlen na određeno vrijeme, u skladu sa članom 5. Uredbe.

Kandidati koji ispunjavaju uslove propisane tekstom javnog oglasa će biti obavješteni, putem telefona navedenog u prijavi, o mjestu i vremenu održavanja pismenog i usmenog ispita.

Lista propisa, literatura i pitanja za pismeni ispit, su objavljena na internet stranici JP „LOKOM“ d.o.o.Sarajevo, a ista se mogu preuzeti direktno u sjedištu Veterinarske stanice Novi Grad d.o.o.Sarajevo.

Izabrani kandidat koji se prima u radni odnos na određeno vrijeme podliježe obavezi probnog rada u trajanju od tri mjeseca. Izabrani kandidat dužan je prije zaključenja ugovora o radu dostaviti u originalu ili ovjerenj kopiji: Uvjerenje o nevođenju krivičnog postupka i Ljekarsko uvjerenje. Kontakt telefon za sve dodatne informacije: 033/586-644, kontakt mail adresa: veterinarskastanicanovigrad@gmail.com.

Javni oglas ostaje otvoren 10 dana od dana objave na internet stranici JU Služba za zapošljavanje KS, a objavit će se i na oglasnoj ploči Društva i internet stranici JP „LOKOM“ d.o.o.Sarajevo.

Proceduru provođenja Javnog oglasa za izbor radnika u radni odnos za upražnjeno radno mjesto vršit će Komisija za provođenje postupka izbora radnika u radni odnos u skladu sa Uredbom.

Prijavu sa traženom dokumentacijom dostaviti u zatvorenoj koverti lično ili preporučeno na adresu:

**„Veterinarska stanica Novi Grad“ d.o.o.Sarajevo,
ulica Tjepovački put br.2, 71 000 Sarajevo,
Komisija za provođenje postupka prijema radnika u radni odnos sa naznakom:
"Prijava na Javni oglas za prijema radnika u radni odnos
„Veterinarske stanice Novi Grad“ d.o.o.Sarajevo
„NE OTVARAJ“**

Nepotpune, neuredne i neblagovremene prijave neće se razmatrati.